

Më  
Dana

27 - 04 - 2018

NE EMËR TË POPULLIT



GJYKATA THEMELORE NË FERIZAJ – Departamenti i Përgjithshëm – Divizioni Penal, në përbërje nga gjyqtari individual Mustaf Tahiri me procesmbajtësen Albënora Bekteshi, në çështjen penale kundër të pandehurit [REDACTED] nga Komuna Ferizaj, i akuzuar për shkak të veprës penale rrezikimi i trafikut publik nga neni 378 paragrafi 6 lidhur me paragrin 1 të KPRK-së, sipas propozim akuzës – kërkesës për dhënien e urdhrit ndëshkimor të Prokurorisë Themelore në Ferizaj, të evidentuar si: PP/II.nr.2023-7/16 të datë 14 dhjetor 2017, më 14 shkurt 2018 mori këtë:

A K T G J Y K I M

PRANOHET kërkesa e Prokurorisë Themelore në Ferizaj me kërkesë për shqiptimin e urdhrit ndëshkimor, të evidentuar si: PP/II PP/II.nr.2023-7/16 të datë 14 dhjetor 2017, gjykata jep këtë:

URDHËR NDËSHKIMOR

I pandehuri [REDACTED], i lindur më [REDACTED] në Ferizaj, nga i ati [REDACTED] e ëma [REDACTED] e gjinisë [REDACTED], me vendbanim në rrugën [REDACTED] nr. [REDACTED] Ferizaj, shqiptarë, shtetas i Republikës së Kosovës, ka të kryer fakultetin teknik, me profesion inxhinier, i gjendjes së mesme ekonomike, me numër personal të letërnjoftimit [REDACTED];

Ë S H TË F A J T O R

Sepse më datë 3 tetor 2016, rreth orës 00:25, duke lëvizur në rrugën e fshatit Bajnicë – Ferizaj, me të arritur në Fshatin Greme te Lagja “Topojanve”, duke drejtuar automjetin e markës “Renault Clio”, me tarë të regjistrimit [REDACTED], duke vepruar në kundërshtim me dispozitat e nenit 71/1 të LSKRR-së, nga pakujdesia fillon tejkalimin në kthesë mirëpo në ato momente nga drejtimi i kundërt i qarkullimit vjen automjeti i markës “Audi” me targë të regjistrimit [REDACTED], të cilën e drejtonte [REDACTED] të cilën e godet me pjesën e përparme në pjesën e përparme, me të cilin

rast pos dëmeve materiale, lëndime të lehta trupore pësojnë [REDACTED] dhe [REDACTED] lëndime këto të përshkruara në ekspertizën mjeko – ligjore të datë 13 dhjetor 2017.

- me të cilin veprim ka kryer veprën penale rrezikimi i trafikut publik, nga neni 378 paragrafi 6 lidhur me paragrafin 1 të KPRK-së.

Andaj gjykata në bazë të dispozitës së lartë shënuar dhe bazuar në dispozitën e nenit 4,7,17,23,41,42,43, 46 dhe 73 të KPRK-së dhe nenit 378 paragrafi 6 lidhur me paragrafin 1 të KPRK-së të pandehurin:

#### **GJYKON**

**DËNIM ME GJOBË** në shumë prej dyqind (200) euro, të cilin dënim është i obliguar që ta paguaj në afat prej tridhjetë (30) ditëve, nga dita e plotfuqishmërisë së këtij aktgjykimi.

Në rast se dënimini me gjobë nuk mund të ekzekutohet as me detyrim sipas nenit 46 paragrafi 3 të KPRK-së, i njëjtë do i shndërrohet në dënim burgimi, ashtu për çdo njëzet (20) € do t'i llogaritet një (1) ditë burgimi.

Të dëmtuarit [REDACTED] dhe [REDACTED] nga fshati [REDACTED] komuna Ferizaj, për realizimin e kërkesës pasurore juridike udhëzohen në kontest civil.

Obligohet i pandehuri që në emër të shpenzimeve të procedurës penale të paguaj shumën prej gjashtëdhjetë euro e tetëdhjetë cent ( 60.88) €, paushallin gjyqësor në shumë prej njëzet (20) €, si dhe shumën prej tridhjetë (30) për programin përkompensimin e viktimate të krimtit në afat prej pesëmbëdhjetë (15) ditëve nga dita e plotfuqishmërisë së këtij aktgjykimi nën kanosjen e përbarimit të detyruar.

#### **Arsyimetim**

Prokuroria Themelore në Ferizaj, me propozim akuzën PP/II.nr.2023-7/16 të datë 14 dhjetor 2017, ka akuzuar të pandehurin [REDACTED] për shkak të veprës penale rrezikimi i trafikut publik,

nga nenit 378 paragrafi 6 lidhur me paragafin 1 të KPRK-së, si dhe ka ushtruar kërkesë për dhënien e urdhrit ndëshkimor, me arsyetim se ka prova të besueshme nga kallëzimi penal dhe procedura hetimore që vërtetojnë kryerjen e kësaj vepre penale nga i pandehuri.

Gjykata me rastin e shqyrtimit paraprak të propozim akuzës dhe kërkesës për dhënien e urdhrit ndëshkimor gjeti se janë plotësuar kushtet ligjore për dhënien e urdhrit ndëshkimor në kuptim të nenit 495 paragrafi 1 të KPPRK-së.

Me rastin e vlerësimit të provave materiale të bashkangjitura si në shkresat e lëndës si: akt ekspertimin mjeko – ligjor të datë 13 dhjetor 2017, mendimi dhe konstatimi i ekspertit të komunikacionit rrugorë të datë 24 nëntor 2017, fotografit nga vendi i ngjarjes dhe prova tjera që gjinden në shkresat e lëndës, konstatoj se këto prova janë bindëse dhe të bazuara dhe njëkohësisht vërtetojnë se i pandehuri ka kryer veprën penale për të cilën akuzohet, andaj gjykata të njëjtin e shpalli fajtor dhe i shqiptoj dënimin me gjobë.

Gjykata vlerëson se këto prova janë bindëse dhe të bazuara, të cilat vërtetojnë se në veprimet e të pandehurit ekzistojnë të gjitha elementet e veprës penale për të cilën akuzohet me aktakuzën e Prokurorit të Shtetit.


Konform nenit 463 paragrafi 2 të KPPRK-së, të dëmtuarit [REDACTED] dhe [REDACTED] nga fshati [REDACTED] komuna Ferizaj, për realizimin e kërkesës pasurore-juridike udhëzohen në kontest civil.

Në bazë të nenit 450 të KPP-së, gjykata të akuzuari e obligoi që të paguaj shpenzimet e procedurës penale në shumë prej 60.88 €, paushallin gjyqësor në shumë prej 20 €, si dhe konform nenit 39 par. 3 pika 3.1 të ligjit nr. 05/L-036 për Kompensimin e Viktimave të Krimtit taksën në shumën prej 30 (tridhjetë) euro, të gjitha këto në afat prej 15 ditësh nga dita e plotfuqishmërisë së këtij aktgjykimi, nën kërcenim të përmbarimit me dhunë.

**GJYKATA THEMELORE FERIZAJ**  
**DEPARTAMENTI I PËRGJITHSHËM - DIVIZIONI PENAL**  
**P.nr. 3183/17**  
**Datë: 14 shkurt 2018**

Procesmbajtësja,  
Albënora Bekteshi

Gjyqtari,  
Mustaf Tahiri



**KËSHILLA JURIDIKE:** Kundër këtij aktgjykimi mund të ushtrohet kundërshtim, kësaj gjykate, në afat prej tetë (8) ditëve, nga dita e pranimit të këtij aktgjykimi.